

第四九〇册

博物彙編

神異典

(卷)

大明之神部

夜明之神部

三

夜明之神部

北斗之神部

四

五星五行之神部

五

太一之神部

文昌之神部

六

文昌之神部

一七八

列星之神部

九

風雲雷雨諸神部

二〇

風雲雷雨諸神部

東嶽泰山之神

部

三

東嶽泰山之神部

三

南嶽衡山之神部

西嶽華山之神

部

三

古今圖書集成

中華書局影印

欽定古今圖書集成博物彙編神異典

第十三卷目錄

大明之神部彙考一

上古 炎帝神農氏一則 帝嚳高辛氏一則

陶唐氏 帝堯一則

周 總一則

秦 始皇一則

漢 高祖一則 武帝元鼎一則 太始一則 宣帝一則 成帝建始一則 平帝元始一則

後漢 世祖建武一則

魏 文帝黃初一則 明帝太和一則

晉 成帝咸和一則

梁 總一則

北魏 太祖天興二則 太宗承興一則 高祖太和一則

北齊 總一則

北周 總一則 孝閔帝一則 武帝保定一則

隋 高祖開皇一則

唐 總一則 元宗開元一則 天寶一則

遼 總一則 太祖天贊一則 穆宗應曆一則 聖宗統和二則 開泰三則 嘉祐一則

宋 真宗天禧一則 仁宗皇祐一則 嘉祐一則 高宗紹興一則

金 太宗天會一則 熙宗天眷一則 世宗大定三則 章宗明昌一則 宣宗貞祐一則 元總一則 世祖至元三則 武宗至大一則

明 太祖洪武三則 世宗嘉靖一則

皇清 順治一則

大明之神部彙考二

禮記 月令 郊特牲 祭法 祭義 玉藻

左傳 昭公元年

孝經緯 後神異

國語 周語 晉語

廣雅 異義

大明之神部總論

南齊書 禮志

朱子全書 鬼神

大明之神部藝文一

周迎日辭

東君

東郊朝日賦

朝日祝文

大明之神部藝文二 詩

日昇歌

朝日誠夏

朝日樂章

朝日樂章

日出行

朝日樂章七首 錄六

大明之神部選句

大明之神部紀事

大明之神部雜錄

大明之神部外編

夜明之神部彙考一

上古 炎帝神農氏一則 帝嚳高辛氏一則

周 總一則

秦 始皇一則

漢 武帝元朔一則 宣帝一則 成帝建始一則 平帝元始一則

後漢 世祖建武一則

魏 明帝太和一則

晉 成帝咸和一則

梁 總一則

北魏 太祖天興二則 太宗承興一則 高祖太和一則

北齊 總一則

北周 總一則

隋 高祖開皇一則

唐 總一則

遼 聖宗統和二則

宋 真宗天禧一則 仁宗皇祐一則 高宗紹興一則 章宗明昌一則

金 總一則

元 總一則 武宗至大一則

明 太祖洪武三則 世宗嘉靖一則

皇清 順治一則

夜明之神部彙考二

禮記 月令 祭法 祭義

左傳 昭公元年

春秋緯 孔安國

國語 周語 晉語

廣雅 異義

月令廣義 月神

神異典第十三卷

大明之神部彙考一

上古

炎帝神農氏始祀朝日

按史記補三皇本紀不載 按拾遺記炎帝神農農

圓丘以祀朝日

帝嚳高辛氏設丘兆以祀日

按史記五帝本紀帝嚳高辛氏歷日月而迎送之

按路史帝嚳以日至設丘兆於南郊以祀上帝日月

星辰

陶唐氏

帝堯命官以春分朝日秋分饒日

按書經虞書堯典分命羲仲宅嵎夷曰暘谷寅實出

日

傳實敬也實禮接之如賓客也出日方出之日蓋

以春分之旦朝方出之日也

分命和仲宅西曰昧谷寅饒納日

傳饒禮送行者之名納日方納之日也蓋以秋分

之暮夕方納之日也

周

周制祭日俾六官各供其事又帥諸侯朝日於郊

按周禮天官掌次朝日祀五帝則張大次小次設重

幣重案

訂鄭康成曰次謂帷大帳初往所止居也小帳既

接祭退俟之處祭義曰周人祭日以朝及闇雖有

強力孰能支之是以退俟與諸臣代有事焉

春官大宗伯之職以實柴祀日月星辰

典瑞王晉大圭執鎮圭纁繅五采五就以朝日

王者父天母地兄日姊月故春分朝日秋分夕

月也訂楊氏曰日爲衆陽之宗上有以參天地之

神故用大圭鎮圭纁繅以朝日

圭璧以祀日月星辰

小宗伯之職兆五帝於四郊四望四類亦如之

訂鄭鎬曰先儒以四類爲日月星辰故之書云類

于上帝惟天神則類而祭之以其神非一故也日

出於東月始乎西其類宜於東西

大司樂乃奏黃鍾歌大呂舞雲門以祀天神

注天神謂五帝及日月星辰

冬官玉人之事圭璧五寸以祀日月星辰

訂鄭鎬曰五天地之中數所以象三光運行乎天

地之中

按儀禮觀禮天子乘龍路載大旂象日月升龍降龍

出拜日於東門之外反祀方明

注此謂會同以春者也帥諸侯而朝日於東郊所

以教尊尊也

禮日於南門外禮月與四瀆於北門外

注此謂會同以夏多秋者也

始皇二十八年東游海上祠日主

按史記秦始皇本紀不載 按封禪書秦并天下雍

有日月廟始皇東遊海上祠八神八神七曰日主祠

成山成山斗入海最居齊東北隅以迎日出云按本

皇東行在

漢

高祖六年長安置晉巫祠東君

按史記漢書高祖本紀俱不載 按漢書郊祀志高

祖六年長安置祠祀官女巫晉巫祠東君以歲時祠

宮中

注師古曰東君日也

武帝元鼎五年親郊泰畤朝日

按漢書武帝本紀元鼎五年十一月辛巳朔旦冬至

立泰畤於甘泉天子親郊見朝日夕月

注師古曰春朝朝日秋暮夕月蓋常禮也郊泰畤

而揖日月此又別儀

按郊祀志武帝祭日以牛祭月以羊豕特

太始三年禮日成山

按漢書武帝本紀太始三年二月幸琅邪禮日成山

注孟康曰禮日拜日也如淳曰祭日於成山也

宣帝

年祠日於不夜

按漢書宣帝本紀不載 按郊祀志宣帝祠成山於

不夜萊山於黃成山祠日萊山祠月京師近縣鄆則

有日月祠 按地理志東萊郡不夜有成山日祠

注師古曰齊地記云古有日夜出見於東萊故萊

子立城以不夜爲名

成帝建始二年罷成山日祠

按漢書成帝本紀不載 按郊祀志成帝建始二年

匡衡張譚奏罷雍舊祠一百三所成山萊山皆罷

平帝元始五年王莽奏立日廟於長安

按漢書平帝本紀不載 按郊祀志平帝元始五年

大司馬王莽奏日月風山澤易卦六子之尊氣今

月廟於北郊兆奏可

後漢

世祖建武二年初立日位於園壇中營

按後漢書世祖本紀不載 按祭祀志建武二年正月初制郊兆於雒陽城南七里爲圓壇有四通道以爲門日月在中營內南道日在東月在西別位不在羣神列隴蜀平後乃增廣郊祀日月北斗共用牛一頭日月北斗無陛

魏

文帝黃初二年朝日於東郊

按三國志魏文帝本紀黃初二年春正月乙亥朝日於東郊

明帝太和元年春二月丁亥祀朝日於東郊

按三國志魏明帝本紀云云

晉

成帝咸和八年立日神於天郊

按晉書成帝本紀不載 按禮志咸和八年正月立北郊天郊則日月諸神也

梁

梁南郊大明從祀

按隋書禮儀志梁南郊日月從祀座平地器以陶匱席用蓍桔

北魏

太祖天興二年立日神於郊壇中壇內

按魏書太祖本紀不載 按禮志天興二年正月帝親祀上帝於南郊爲壇日月在中壇內

天興三年二月丁亥詔有司祀日於東郊

按魏書太祖本紀云云 按禮志天興三年春祀日於東郊用騂牛一

太宗末興四年置日神於宮內

按魏書太宗本紀不載 按禮志永興四年置日月之神及諸小神二十八所於宮內歲二祭各用羊一高祖太和十六年二月甲午初朝日於東郊遂以爲常

按魏書高祖本紀云云

北齊

北齊位日於園壇下丘

按隋書禮儀志後齊制園丘日月於下丘用蒼牲司空獻

北周

北周以日從祀園丘以春分朝日於國東門外

按隋書禮儀志後周園丘日月從祀用牲各以其方色以春分朝日於國東門外爲壇如其郊用特牲青幣青圭有邸皇帝乘青輅及祀官俱青冕執事者青弁司徒亞獻宗伯終獻燔燎如園丘

孝閔帝元年二月癸酉朝日於東郊

按周書孝閔帝本紀云云

武帝保定元年春二月甲午朝日於東郊

按周書武帝本紀云云

隋

高祖開皇 年以日從祀園丘又於國東門外爲壇以春分朝日

按隋書高祖本紀不載 按禮儀志高祖受命爲圓丘於國之南日月在丘之第二等牲用方色饋一開

皇初於國東春明門外爲壇如其郊每以春分朝日

唐

唐祀上帝及蜡百神皆祭大明又以春分朝日於東郊

按唐書禮樂志冬至祀昊天上帝於圓丘大明夜明在壇之第一等又蜡祭百神大明夜明在壇上又朝日夕月無配又日月皆有玷又明堂日月以太尊實醴齊著尊實盎齊皆二以山疊實酒一後祀於圓丘以太尊二實汎齊入冬至祀圓丘大明夜明饗八豆八簋一簠一瓊一俎一又春分朝日於東郊秋分夕月於西郊天子親祠不能則有司攝事

元宗開元二十年定以日月爲中祀

按唐書元宗本紀不載 按舊唐書禮儀志起居舍人王仲丘撰大唐開元禮二十年九月頒所司行用以日月爲中祀

天寶三載詔升日月爲大祀

按唐書元宗本紀不載 按開府元龜天寶三載三月戊寅詔曰祭之爲典以陳至敬名或不正是相奪倫日月照臨下土式瞻既超言象之外宜極尊嚴之禮列爲中祀頗素大猷自今以後升爲大祀仍以四時致祭庶昭報之誠格於上下欽崇之稱合於典則

遼

遼制十二月辰日皇帝皇后拜日

按遼史禮志十二月辰日皇帝皇后焚香拜日

太祖天贊三年九月庚子拜日於歸林

按遼史太祖本紀云云

穆宗應曆二年冬十一月己卯日南至始用舊制行

遼

遼制十二月辰日皇帝皇后拜日

按遼史禮志十二月辰日皇帝皇后焚香拜日

太祖天贊三年九月庚子拜日於歸林

按遼史太祖本紀云云

拜日禮

按遼史穆宗本紀云云

聖宗統和元年十二月戊申千齡節祭日月禮畢百僚稱賀

統和四年十一月癸未祭日月爲駙馬都尉勒德祈福

開泰二年夏四月甲子拜日

開泰四年六月庚戌上拜日如禮秋七月上又拜日開泰七年夏四月拜日

按以上俱遼史聖宗本紀云云

宋

眞宗天禧 年定以春分朝日

按宋史眞宗本紀不載 按禮志大祀春分朝日秋分夕月天禧初定

仁宗皇祐二年詔以日神從祀明堂

按宋史仁宗本紀不載 按禮志皇祐二年詔今祀明堂日月河海諸神悉如圓丘從祀之數日月大尊各二在殿上神座左簋豆數用中祠

嘉祐 年加日月壇羊豕各五

按宋史仁宗本紀不載 按禮志云云

高宗紹興三年四月己亥復舉日月之祀

按宋史高宗本紀云云

按文獻通考紹興三年司封員外郎鄭士彥言春分朝日秋分夕月祀典未舉望詔禮官講求從之其後於城外惠照院望祭位版日書曰大明月書曰夜明

玉用圭璧大明幣用赤夜明幣用白禮如祀感生帝

金

太宗天會四年春正月丁卯朔始拜日

按金史太宗本紀云云 按禮志朝日金初用本國禮天會四年始朝日於乾元殿而後受賀

熙宗天眷二年定朔望朝日儀

按金史熙宗本紀不載 按禮志云云

世宗大定二年罷朔望朝日

按金史世宗本紀不載 按禮志朔望朝日大定二年以無典故罷

大定十五年定拜日之禮

按金史世宗本紀不載 按禮志大定十五年言事者謂今正旦並萬壽節宜令有司定拜日之禮有司

援據漢書春分朝日升煙奠玉如圓丘之儀又按唐開元禮南向設大明神位天子北向皆無南向拜日

之制今已奉勅以月朔拜日宜遵古制殿前東向拜詔姑從南向

大定十八年上拜日於仁政殿始行東向之禮

按金史世宗本紀不載 按禮志云云

章宗明昌五年三月庚辰初定日月常祀

按金史章宗本紀云云

宣宗貞祐元年閏九月戊辰朔拜日於仁政殿自是每月吉爲常

按金史宣宗本紀云云

元

元制大明從祀圓壇第一等

按元史祭祀志從祀圓壇第一等大明位卯神位版丹質黃書神席綈絺藉以蓼結

世祖至元十六年十二月甲申祀太陽

至元二十五年春正月庚寅祭日於司天臺

按以上俱元史世祖本紀云云

至元三十一年四月成宗即位王月祭太陽於司天台

按元史成宗本紀云云

武宗至大三年定以春分朝日

按元史武宗本紀至大三年冬十月丙午三寶奴及司徒田忠良等言春秋朝日夕月實合祀典有旨所用儀物其令有司速備之

明

太祖洪武三年定以春分朝日

按大政紀洪武三年正月禮部定朝日夕月禮朝日以春分夕月以秋分

洪武四年詔定親祀朝日

按大政紀洪武四年正月詔定親祀朝日夕月服袞冕陪祭官各服本品梁冠祭服九月乙亥詔親祀日月齋三日降香齋一日著爲令

洪武二十一年以大明從祀南郊罷朝日之祭

按大政紀洪武二十一年三月增修南郊壇遷於大祀殿丹墀內壘石爲壇四東西相向以爲日月星辰

四壇從祀其朝日夕月焚星之祭悉罷之

世宗嘉靖九年復建朝日壇以春分祭大明之神

按續文獻通考嘉靖九年用夏言議改建四郊兆日於東郊兆月於西郊每歲春分行朝日禮秋分行夕月禮

按圖書編嘉靖九年建壇朝陽門外二里許歲春分祭大明之神於朝日壇西向甲丙戊庚壬年上祭服

親祀餘年遺文大臣攝之

注天之神曰爲尊曰太陽之精也正義曰雖特尊於出之帝而又福報天之一切神而天之諸神唯曰爲尊故此祭者曰爲諸神之主故云主日也不用所出之帝爲主而主日者所出尊不與諸神爲賓主也

祭法

王宮祭日也

注王宮曰壇王君也日稱君宮壇營域也疏日神尊故其壇曰君宮也春秋傳曰日月星辰之神則雪霜風雨之不時於是乎祭之

祭義

郊之祭大報天而主日配以月夏后氏祭其闕殷人祭其陽周人祭日以朝及闇

注主日者以其光明天之神可見者莫著焉疏主日配以月者爲天無形體懸象著明莫過日月故以日爲百神之主配以月以月自日以下皆祭特言月者但月爲重以對日耳蓋天帝獨爲壇其日月及天神等共爲一壇故曰得爲衆神之主也

祭日於壇祭月於坎以別幽明以制上下祭日於東祭月於西以別外內以端其位

注幽明者謂日照晝月照夜疏祭日於壇謂春分也祭月於坎謂秋分也月爲幽日爲明日在壇月在坎是別幽明定上下祭日於東用朝旦之時是爲外祭日於西用鄉夕之時是爲內別外內以正其位也

天子元端而朝日於東門之外

玉藻

注接宗伯實柴日月星辰爲中祀而用元冕者以天神尚質

左傳

昭公元年

日月星辰之神則雪霜風雨之不時於是乎祭之

孝經緯

援神契

日神五帝明照四方

國語

周語

古者先王既有天下又崇立上帝明神而敬事之於是乎有朝日夕月以教民事君

魯語

天子大采朝日與三公九卿祖識地德日中考政與百官之政事師尹惟旅牧相宣序民事

注周禮王指大圭執鎮圭藻五采五就以朝日則大采謂此也言天子與公卿因朝日以修陽政而習地德因夕月以治陰教而糾天刑日照晝月照夜各因其明以修其事也

廣雅

異祥

朱明曜靈東君日也日御謂之羲和

甲乙爲幹幹者日之神也

大明之神部總論

南齊書

禮志

何休之曰王者兄日姊月禮記保傳云天子春朝朝日秋暮夕月所以明有敬也而不用所用之定辰馬鄭云用二分之時盧植云用立春之日休之以爲日者太陽之精月者太陰之精春分陽氣方未秋分陰氣向長天地至尊用其始故祭以二至日月禮次天地故朝以二分差有理據則融元之言得其義矣朱子全書

鬼神

氣之方來皆屬陽是神氣之反皆屬陰是鬼日自午以前是神午以後是鬼月自初三以後是神十六以後是鬼童伯羽問日月對言之日是神月是鬼否日亦是

大明之神部藝文一

周迎日辭

尚書大傳

維某年某月上日明光於上下勤施於四方旁作穆穆維予一人某欲拜迎於郊以正月朔日迎日於東郊

東君

楚屈平

敬將出兮東方照我檻兮扶桑撫余馬兮安驅夜皎皎兮既明駕龍輶兮乘雷載雲旗兮委蛇長太息兮將上心低徊兮顧懷羌聲色兮娛人觀者憺兮忘歸

絕瑟兮交鼓簫鐘兮瑤簫鳴轍兮吹竽思靈保兮賢粹翺飛兮翠會展詩兮會舞應律兮合節靈之來兮蔽日青雲衣兮白霓裳舉長矢兮射天狼操余孤兮反淪降援北斗兮酌桂漿撰余轡兮高馳翔查冥冥兮以東行

東郊朝日賦

唐陸贄

日爲炎精君實陽德明至乃照臨下土德盛則光被四國天垂象聖作則候春分之節時則罔愆順周官之儀事乃不忒於是戴青旂儼翠華蓋留殘月旒拂朝霞咸濟濟以皇皇備禮容于邦天子躬整服以待曙心既誠而望賒條而罷嚴更闢禁城五格齊駕八鸞啓行風出郊而草偃澤先路而塵清卷餘露于林薄動神光于旒旌初破鏡而半掩忽成輪而上征果耀榮光分輝于千品萬類烟燭瑞色均燭于四夷八紘一人端冕以仰拜百辟奉璋而竭誠故曰天爲父日爲兄和氣旁通帝德與日德俱遠清光相對帝心與日心齊明時也春事既用夾鍾律中登觀臺而瑞集觀芳甸而農衆東爲陽位故出拜于國東仲居時中乃展禮于春仲既而盛禮畢陳錫鸞迴輪家有聲室巷無居人備禮服之燦燦啟游車之轡轡人望如草我澤如春惟天德與聖壽配朝日而長新伊茲禮之可持歷前代而修之漢拜庭中成煩褻之細事魏朝歲首失禮經于舊時國家欽若天命率由時令矯前王之失德修古典而施敬俾伯夷之掌禮伴軒后以作聖恭承命于春卿遂觀光而興詠

朝日祝文

圖書編

嗣天子御名謹昭告于大明之神惟神陽精之宗列

神之首神光下照四極無遺功垂今昔率土仰賴茲當仲春式遵古典以玉帛牲醴之儀恭祀於神伏惟鑒歆錫福黎庶尚饗

大明之神部藝文二

日昇歌

晉傅元

東光昇朝陽羲和初攬轡六龍並騰驅遠景何晃晃旭日照萬方皇德配天地神明鑒幽荒

朝日誠夏

隋牛弘

扶木上朝敷岷山沈暮景寒來遊暑促暑至馳輝未時和合璧耀俗泰重輪明執圭盡昭事服冕啓虔誠

朝日樂章

唐書

唐書樂志曰貞觀中朝日樂

肅和

惟聖格天惟明饗日帝郊建類王宮戒吉珪奠春舒鐘歌曉溢禮云克備斯文有秩

雍和

晨儀式薦明祀惟光神物爰止靈輝載揚元端肅事紫輅典祥福履攸假於昭九王

朝日樂章

同前

唐書樂志曰太樂舊有朝日迎神送神辭二章不詳所起

迎神

太陽朝序王宮有儀蟠桃彩駕細柳光馳軒祥表合漢曆彰奇禮和樂備神其降斯

送神

五齊兼酌百羞具陳樂終廣奏禮畢崇禮明鑑萬萬照臨兆人未流洪慶式動職輪

日出行

李白

日出東方隈似從地底來歷天又入海六龍所舍安在哉其始與終古不息一作其行終古不休息人非元氣安得與之久徘徊草不謝榮於春風木不怨落於秋天誰揮鞭策驅四運萬物與歇皆自然義和義和汝奚汨沒於荒淫之波魯陽何德駐景揮戈逆道違天矯誣實多吾將囊括大塊浩然與溟滓同科

朝日樂章七首

錄六

圖書編

迎神

和唐

仰瞻今大明位尊今王宮時當仲春兮氣融爰遵祝禮兮報功微誠兮祈神昭鑒願來享兮近神聰

奠玉帛

和宋

神靈壇兮肅其恭有帛在篚兮赤琮奉神兮祈享以納予恭奠兮析以顯

初獻

和唐

玉帛方獻兮神歆酒行初獻兮武成齋芳馨兮饗色驛神容悅兮鑒予情

亞獻

和唐

二齊升兮氣氛芳神頽怡和兮喜將予令樂舞兮具張願垂普照兮民康

終獻

和唐

殷勤三獻兮告成羣職在列兮週盈神錫休兮福民生萬世永賴兮神功明

送神

和唐

祀禮既週兮樂舞揚神享已納兮還清鄉予當拜首兮奉送願恩光兮普萬方永耀嘉明兮攸賴烝民咸仰兮恩光觀六龍兮御駕神變化兮鳳翥東帛傾饗兮詣燎方佑我皇明兮基諸隆長

大明之神部選句

唐白居易詩義和超日沈西海

李商隱詩義和辛苦送朝陽

明劉基詩爵儀手捉三足老鴉脚踏火輪蟠九螭咀嚼五色若木英身上五色光陸離朝發陽谷暮金樞清晨還上扶桑枝揚鞭驅龍扶海若蒸霞沸浪煎魚龜輝煌焜煌啓幽暗燠照草木生芳藂

大明之神部紀事

唐書新羅傳新羅元日相慶是日拜日月神

癸辛雜識揚州有趙都統號趙馬兒嘗提兵船往援李瑄於山東舟至登萊殊不可進滯留凡數月嘗於舟中見日出海門時有一人遍身皆赤眼色純碧頭頂大日輪而上日漸高人漸小凡數月所見皆然

大明之神部雜錄

尚書大傳以正月朝迎日於東郊所以為萬物先而尊事天也

晉書禮志禮春分祀朝日於東秋分祀夕月於西漢武帝郊泰時平旦出行宮東向揖日其夕西向揖月即郊日月又不在東西郊也後遂旦夕常拜故魏文帝詔曰漢氏不拜日於東郊而且夕常於殿下東西拜日月頗衰似家人之事非事天神之道也黃初二年正月乙亥祀朝日於東郊之分又違禮二分之義

大明之神部外編

山海經東南海之水甘泉之間有義和國有女子曰義和為帝俊之妻是生十日常浴日於甘泉故曰為義和之子堯因是立義和之官以主四時

大洞真經上皇玉帝君曰九天真人呼曰為濯耀羅三天真人呼曰為圓光蔚

高上太素君曰太素天中呼曰為眇景也

王晨太上大道君曰道君反日中之神玉併月中之高靈

大清大道君曰太清天中有山名浮絕三天神王之所治也彼天人呼曰為太明太極大道元景君曰太極真人呼曰為圓明

太陽九氣玉賢元君曰太陽九氣者變化三晨之上策駕紫輶於微元之下微元者日中之神名曰玉賢天中或呼曰為微元也

太一上元禁君曰赤氣王者日中之上神其名曰將車梁能知赤氣王者不死

上清八皇老君曰上清真人呼日月為太寶九華

太上憐儀結璣章日中青帝諱圖常無字昭龍輅太
青玉錦帔蒼華飛羽翬建翠芙蓉晨冠日中赤帝諱
丹虛峙字綠虹映衣絳玉錦帔丹華飛羽翬建丹符
靈明冠日中白帝諱皓將將字迴金霞衣素玉錦帔
白羽飛華翬建皓靈芙蓉冠日中黑帝諱澄增停字
元綠炎衣元玉錦帔黑羽飛華翬建元山芙蓉冠日
中黃帝諱壽逸阜字颯暉像衣黃玉錦帔黃羽飛華
翬建黃靈紫冠按氏族傳改丹虛特作丹靈
日中五帝魂精內神名珠景赤童

老子歷藏中經日月者天地之司徒司空也日姓張
名表字長史

洞冥記武帝好仙術與東方朔聊曰臣能使少
者不老帝曰服何藥耶朔曰東北有地日之草帝曰
何以知之朔曰三足鳥數下地食此草義和欲取以
手掩鳥目不聽下地長食此草蓋鳥獸食此草則美
閤不能動矣

華嚴經佛所遊處無不遍至復與無量日天子俱其
名曰日天子眼炎光天子須彌光勝天子淨寶眼天
子勇猛不退天子妙華鬘光天子寶覺天子明眼天
子勝地童子普勝光天子如是一切皆悉成就清
淨善根常欲饒益一切衆生

拾遺記鬱華日精又名鬱儀奔日之仙故曰鬱儀與
日同居

真誥方朱山真人皆呼日爲圓羅耀

雲笈七籤日中赤氣上皇眞君諱將軍梁字高騫爽
日中司命君名接生

老子明照法敘事或見童子長五六尺立而笑其左

上有自然蓋者日中童子也
華嚴綱要有無量日天子所謂日天子光儀眼天子
須彌光可畏敬幢天子離垢寶莊嚴天子勇猛不退
轉天子妙華纓光明天子最勝幢光明天子寶鬘普
光明天子光明眼天子持勝德天子普光明天子如
是等而爲上首其數無量皆勤修習利益衆生增其
善根

夜明之神部彙考一

上古

炎帝神農氏始揖夜光

按史記補三皇本紀不載 按拾遺記炎帝神農築
圓丘以祀朝日飾瑤堦以揖夜光

帝嚳高辛氏設丘兆以祀月

按史記五帝本紀帝嚳高辛氏歷日月而迎送之
按路史高辛氏以日至設丘兆于南郊以祀上帝日
月星辰

周

周制祀月俾大宗伯等官各供其事又率諸侯禮月
于北郊

按周禮春官大宗伯之職以實柴祀日月星辰

義訂項氏曰日司晝月司夜

典瑞圭璧以祀日月星辰

義訂鄭錄曰先儒以四類爲日月星辰攷之書云類
于上帝惟天神則類而祭之以其神非一故也

大司樂乃奏黃鍾歌大呂舞雲門以祀天神

注天神謂日月星辰

按儀禮觀禮禮日於南門外禮月與四瀆於北門外

注此謂會同以夏冬秋者也禮月於北郊者月太
陰之精以爲地神也

秦

始皇二十八年東游海上祠月主

按史記秦始皇本紀不載 按封禪書秦并天下雍
有日月廟始皇東游海上祠八神八神六日月主祠
之萊山在齊北按本紀始皇東行在二十八年

漢

武帝元鼎五年親郊泰畤祭月

按漢書武帝本紀元鼎五年十一月辛巳朔旦冬至
立泰畤于甘泉天子親郊見朝日夕月

注師古曰朝日夕月蓋常禮也郊泰畤而揖日月

此又別儀

按郊祀志武帝祭月以羊豕特

宣帝 年祠月于黃

按漢書宣帝本紀不載 按郊祀志宣帝祠成山於
不夜萊山於黃成山祠日萊山祠月京師近縣郭則
有日月祠

成帝建始二年罷萊山月祠

按漢書成帝本紀不載 按郊祀志成帝建始二年
匡衡張譚奏罷雍舊祠二百三所成山萊山皆罷

平帝元始五年王莽奏立月廟于長安北郊

按漢書平帝本紀不載 按郊祀志平帝元始五年
王莽奏日月雷風山澤易卦六子之尊氣今或未特

祀或無兆居宜令日廟於長安城之未墜兆月廟於

北郊兆奏可

後漢

世祖建武二年初立月位于園壇中營

按後漢書世祖本紀不載 按祭祀志建武二年正月初制郊兆於雒陽城南七里爲園壇有四通道以爲門日月在中營內南道日在東月在西別位不在羣神列

魏

明帝太和元年八月己丑祀夕月於西郊

按三國志魏明帝本紀云云

晉

成帝咸和八年立月神于天郊

按晉書成帝本紀不載 按禮志咸和八年正月立北郊天郊則日月諸神也

梁

梁南郊夜明從祀

按隋書禮儀志梁南郊日月從祀

北魏

太祖天興二年立月神于郊壇中壇內

按魏書太祖本紀不載 按禮志天興二年正月帝親祀上帝於南郊爲壇日月在中壇內

天興三年秋分祭月于西郊用白羊一

按魏書太祖本紀不載 按禮志云云

太宗永興四年置月神于宮內

按魏書太宗本紀不載 按禮志永興四年置日月之神及諸小神二十八所於宮內歲二祭各用羊一

高祖太和十六年八月車駕初夕月於西郊遂以爲

常 按魏書高祖本紀云云

北齊

北齊置月位于園壇下丘

按隋書禮儀志後齊制園丘日月於下丘用蒼牲司空獻

北周

北周以月從祀園丘以秋分夕月于國西門外

按隋書禮儀志後周園丘日月從祀用牲各以其方色以秋分夕月於國西門外爲壇於壇中方四丈深四尺燔燎禮如朝日

隋

高祖開皇 年以月從祀園丘又于國西門外爲壇以秋分夕月

按隋書高祖本紀不載 按禮儀志高祖受命爲國丘於國之南日月在丘之第二等牲用方色犢一開皇初於國西開遠門外爲坎深三尺廣四丈爲壇於坎中高一尺廣四尺每以秋分夕月牲幣與周同

唐

唐祀上帝及蜡百神皆祭夜明又以秋分夕月于西郊

按唐書禮樂志冬至祀昊天上帝於園丘大明夜明在壇之第一等又蜡祭百神大明夜明在壇上又朝日夕月無祀又明堂日月以太尊實醴齊著尊實盎齊皆二以山魯實酒一又秋分夕月於西郊天子親祀不能則有司攝事

遼

聖宗統和元年十二月千齡節祭日月

統和四年十一月癸未祭日月爲駙馬都尉勒德祈

福 按以上俱遼史聖宗本紀云云

宋 眞宗天禧 年定以秋分夕月

按宋史眞宗本紀不載 按禮志大祀春分朝日秋分夕月天禧初定

仁宗皇祐二年詔以月神從祀明堂

按宋史仁宗本紀不載 按禮志皇祐二年詔今祀明堂日月河海諸神悉如園丘從祀之數日月大尊各二在殿上神座左邊豆數用中祀

高宗紹興三年四月己亥復舉日月之祀

按宋史高宗本紀云云

金 金置月神座于郊壇第一等

按金史禮志郊壇日月神座于壇上第一等席皆葉

章宗明昌五年三月庚辰初定日月常祀

按金史章宗本紀云云 按禮志大定明昌其禮寢備夕月壇日夜明在彰義門外之西北當闕西地掘地汗之爲壇其中

元 元制夜明從祀園壇第一等

按元史祭祀志從祀園壇第一等夜明位西神位版

丹質黃書神席綬褥座藉以葉結

武宗至大三年定以秋分夕月

第四九〇冊 之〇五葉

按元史武宗本紀至大三年冬十月丙午三寶奴及司徒田忠良等言春秋朝日夕月實合祀典有旨所用儀物其令有司速備之

明

太祖洪武三年定以秋分夕月

按大政紀洪武三年正月禮部定朝日夕月禮朝日以春分夕月以秋分

洪武四年詔定親祀夕月之儀

按大政紀洪武四年正月詔定親祀朝日夕月服袞冕陪祭官各服本品梁冠祭服九月乙亥詔親祀日月齋三日降香齋一日著爲令

洪武二十一年以夜明從祀南郊罷夕月之祭

按大政紀洪武二十一年三月增修南郊壇遺於大祀殿丹墀內壘石爲壇四東西相向以爲日月星辰四壇從祀其朝日夕月祭星之祭悉罷之

世宗嘉靖九年復建夕月壇以秋分祭夜明之神

按圖書編嘉靖九年罷從祀建壇阜城門外之南二里許歲秋分祭夜明之神於夕月壇東向丑辰未戌

年上皮弁服親祀餘年遣武大臣攝之

郊之祭大報天而主日配以月

主日配以月者謂天無形體懸象著明莫過日月故以日爲百神之主配之以月自日以下皆祭特言月者但月爲重以對日耳

祭日於壇祭月於坎以別幽明以制上下祭日於東祭月於西以別外內以端其位

幽明者謂日照晝月照夜

左傳

皇清

順治八年

大清會典順治八年題准

夜明之神從祀

天壇外更立

夕月壇在阜成門外西郊其制一成每年于秋分

日酉時致祭以

星辰配凡遇丑辰未戌年

皇上親詣行禮其餘各年遣大臣致祭

夜明之神部彙考二

禮記

月令

孟冬之月天子乃祈來年於天宗

注天宗謂日月星辰也蔡邕云日爲陽宗月爲陰宗

祭法

夜明祭月也

注夜明月壇也說月明於夜故謂其壇爲夜明也

祭義

郊之祭大報天而主日配以月

主日配以月者謂天無形體懸象著明莫過日月故以日爲百神之主配之以月自日以下皆祭特言月者但月爲重以對日耳

祭日於壇祭月於坎以別幽明以制上下祭日於東祭月於西以別外內以端其位

幽明者謂日照晝月照夜

左傳

昭公元年

日月星辰之神則雪霜風雨之不時於是乎祭之

春秋緯

孔演圖

蟠蜺月精也

國語

周語

古者先王既有天下又崇立上帝明神而敬事之於是乎有朝日夕月以教民事君

魯語

少采夕月與太史司載糾虔天刑日入監九御使絮奉禘郊之柔盛而後即安

注夕月以秋分糾共也虔敬也或云少采黻衣也昭謂朝日以五采則夕月以三采也載天文也此因夕月而共敬觀天法考行度以知妖祥也

廣雅

異祥

夜光謂之月月御謂之望舒

甲乙爲幹幹者日之神也寅卯爲枝枝者月之靈也月令廣義

月神

素娥月神

素娥月神

素娥月神

素娥月神

素娥月神

素娥月神

素娥月神

素娥月神

素娥月神

素娥月神

素娥月神

欽定古今圖書集成博物彙編神異典

第十四卷目錄

夜明之神部總論

南齊書志

朱子全書鬼神

夜明之神部藝文一

夕月祝文

夜明之神部藝文二詩

夕月賦

夕月樂章

古朗月行

嫦娥

霜月

房君珊瑚散

艷歌

嫦娥曲

修月匠歌并序

待月壇

夕月樂章

題姮娥奔月圖

姮娥奔月圖

月宮仙子圖三首

夜明之神部選句

夜明之神部紀事

夜明之神部雜錄

夜明之神部外編

北斗之神部彙考附附斗

圖書編

隋牛弘

唐書

李白

李商隱

前人

前人

無名氏

宋趙汝鑑

元楊維禎

陳樵

圖書編

明蘭廷瑞

瞿佑

徐渭

秦始皇一則

漢武帝元鼎一則 宣帝神爵一則

後漢世祖建武一則

晉成帝咸和一則

梁總一則

陳總一則

北魏太祖天興一則

北齊總一則

隋高祖開皇一則

唐總一則

宋總一則 徽宗政和一則

元總一則 世祖至元二則

北斗之神部彙考二 中斗 東斗 西斗 南斗 附

史記天官書

淮南子天文訓

晉書天文志

酉陽雜俎北十

月令廣義南斗 北斗 西斗

老子中經中斗 北斗

金闕帝君五斗三元真一經口訣北斗

諸天靈書經北斗

北帝七元延生經北帝

雲笈七籤北斗 東斗 西斗 中斗

北斗之神部紀事

北斗之神部雜錄

北斗之神部外編

神異典第十四卷

夜明之神部總論

南齊書

禮志

步兵校尉何休之曰王者兄日姊月天子春朝朝日秋暮夕月馬鄭云用二分之時盧植云用立春之日

修之以爲日者太陽之精月者太陰之精春分陽氣方永秋分陰氣向長天地至尊用其始故祭以二至

日月次天地故朝以二分差有理據則融元之言得其義矣魏祕書監薛循論云舊事朝日以春分夕月

以秋分按周禮朝日無常日鄭元云用二分故遂施行秋分之夕月多東藩而西向拜之背實遠矣謂朝

日宜用仲春之朔夕月宜用仲秋之朔淳于棼駁之引禮記云祭日於東祭月於西以端其位周禮秋分

夕月並行於上世西向拜月雖如背實亦猶月在天而祭之於坎不復言背月也修之按禮器云爲朝夕

必放於日月鄭元云日出東方月出西方又云大明生於東月生於西此陰陽之分夫婦之位也鄭元云

大明日也知朝日東向夕月西向斯蓋各本其位之所在耳猶如天子東西遊幸朝堂之官及拜官者猶

北向朝拜寧得以背實爲疑耶

朱子全書

鬼神

氣之方來皆屬陽是神氣之反皆屬陰是鬼月自初三以後是神十六以後是鬼

問月魄之魄豈只指其光而言之而其輪則體也耶日月不可以體言只有魂魄耳月魄卽其全體而光

處乃其魂之發也

雍和
臘晨爭舉天宗禮闈夜典京秋陰明湛夕有晴斯旨
有牲斯碩穆穆其禪穰穰是積

舒和

合吹八風全奏動分容萬舞玉鞘驚詞昭茂典光前
列夕曜乘功表盛明

古朗月行

李白

小時不識月呼作白玉盤又疑瑤臺鏡飛在白一作青
雲端仙人垂兩足桂樹作一作何團圓白兔搗藥成問

言與誰

誰與餐蟾蜍蝕圓影大明夜已殘羿昔落九

鳥天人清且安陰精此淪歎去去不足觀愛來其如

何悽一作愴摧心肝

嫦娥

李商隱

雲母屏風燭影深長河漸落曉星沉嫦娥應悔偷靈
藥碧海青天夜夜心

霜月

前人

初聞征馬已無聲百尺樓高一作南水接天青女素娥

俱耐冷月中霜裏闔蟬娟

房君珊瑚散

前人

不見姮娥一作嫦娥影清秋守月輪月中閨杵臼桂子搗
成塵

艷歌

無名氏

月裏嫦娥不畫眉只將雲霧作羅衣不知夢逐青鸞
去猶把花枝羞面歸

瑤娥曲

宋趙汝鎰

一二三四月如眉橫累如梳截半規玉斧晝夜修不
徹修伐團鏡當空垂十眉有樣列象几梳栽春冰鏡

夜明之神部藝文一

夕月祝文

圖書編

嗣天子御名敢昭告於夜明之神惟神鍾陰之精配
陽之德繼明於夕有生共賴暨惟五星列宿咸司下
土各有攸分眇予之資仰承帝命君此生民茲者時
惟秋分爰遵典禮以玉帛牲醴之儀用修常祭於神
惟神歆鑒福我邦民尚享

夜明之神部藝文二

夕月誠夏

隋牛弘

澄輝燭地域流耀鏡天儀曆草隨弦長珠胎逐望虧
成形表蟾兔竊藥資王母西郊禮既成幽壇福惟厚

夕月樂章

唐書

唐書樂志曰貞觀中夕月樂

肅和

測妙爲神通微曰聖坎祀胎則郊禋展敬璧薦登光
金歌動映以戴嘉德以流會慶

涵水瑤娥睡起拂菱花堪驚掃鬢雲繞指微秋亭亭
天上妝環珮隱隱瑤琳鏘響跨鶴舞仙譜子登彈
歌飛現黃天風颼颼冷到骨銀河澎湃浪濺羅襪一輪
千古廣寒深拆盡桂花應白髮

修月匠歌

井序

元楊維禎

按酉陽雜俎太和初有王秀才遊嵩山迷道見一
人枕幃而坐曰君知月乃七寶合成乎月勢如丸
其影則日燦其凹處也常有八萬三千戶修之予
卽一數因作修月匠歌

天公弄九七寶鉤如琉璃瑤璃如線月中斤人八萬
戶救賜仙廚瓊屑飯什什伍伍入杳冥妙手持天輕
欲旋千斤寶斧運化鈞混沌皮開精魄見昇家奔娥
太輕脫須臾踏破蓮花瓣十二山河影碎中輪郭重
完冰一片縹緲長懸玉白飛堅牢永結妖蟊患封辭
何用幾蠶臣功成萬古蒙大眷一歸蘭路不知年免
子花開三萬遍

待月壇

陳樵

憶昔待月錢唐秋眼寒桂樹枝相樛桂枝半蠹花不
實折之不得令人愁帝鄉幽燕遙吳越還向山中弄
明月聞道君家待月壇壇空風露何漫漫便欲因之
遡寥廓倒騎玉蟾飛廣寒廣寒宮殿殊清絕素娥嬋
娟皎如雪笑指桂樹對我言留取高枝待君折待君
折須幾時明年八月會相見付與天香第一枝

夕月樂章

圖書編

迎神

陰曰配合今承陽式循古典今齋以恭觀太陰來格
今星辰羅從予拜兮近神客

初獻

神其來止有嚴其誠玉帛在饗清酌方盈奉而奠之
願鑒微情夫祀今云何所佑今率民

亞獻

二觴載斟樂舞雍雍神歆百職惟供願順軌今五行
祈民福兮神必從

終獻

一誠已伸三舉金觥鐘鼓鈎鈎環珮琤琮鑒予之情
願永保我生民

徹饌

禮樂肅具精意用伸位坎居歆納茲藻蘋徹之弗遲
儀典肅陳神其鑒之祐我生民

送神

禮備告終兮神喜穹碧澄輝兮素華鮮星辰從兮返
神鄉露氣清兮寬裳颺飈飈兮求帛薦之於瘞兮

題姮娥奔月圖

竊藥私奔計已窮藥砧應恨洞房空當時射日弓猶
在何事無能近月中

姮娥奔月圖

一丸靈藥少人知竊去應無再得期后羿空能殘九
日那知月裏却容私

月宮仙子圖三首

纏頭雲錦墜金釵短袖長裙雪片裁不是上頭寒不
禁夜深何事却飛來

捧來玉兔夜生光

一捻冰肌縞帶香試問當年明月
裏果然親得見明皇

空中縹緲景光新但似雲霞不似人知道今來是何
夕桂花添得幾枝春

夜明之神部選句

宋謝莊月賦日以陽德月以陰靈攬扶桑於東沼嗣

若英於西冥引元兔於帝臺集素娥於后庭

唐李華詩素娥嘗藥去烏鵲遠枝驚

杜甫詩斟酌姮娥寡天寒耐九秋

劉禹錫詩嫦娥破鏡斜

陸暢詩姮娥須逐彩雲降不可逼霄在月中

王初詩月娥嬌獨夜漫漫

施肩吾詩有時頻夜看明月心在嫦娥几案邊

李賀詩吳質不眠倚桂樹露脚斜飛濕寒兔

李商隱詩月娥嬌獨好同遊又星娥一去後月姊更

來無又姮娥擣藥無時已又浪乘畫舸憶蟾蜍月娥

未必嬋娟子

李咸用詩嫦娥倚桂開朱顏

陳陶詩嬌居應寒冷擣藥青冥愁又月娥揮手崦嵫

峰

和凝詩不是昔年攀桂樹豈能月裏索姮娥

朱薛映詩姮娥不惜宮中桂乞與天香分外香

楊萬里詩素娥西征未歸去幾弄銀盤洗風露一丸
玉彈東飛來打落桂枝雪毛兔

元錢惟善詩嫦娥偷藥長少年桂子穉罪羽衣濕

明劉基詩結璵坐在廣寒桂樹根漱漱桂露芬香非

啖服白兔所擣之靈藥跳上蟾蜍背春騎描光弄影

蕩雲漢閃奎燦壁葩花摘手摘桂樹子撒入大海中

散與蚌蛤爲珠璣或落岩谷間化作珣珉人拾得

啜者胃臆生明暈

王廷相詩七襄機冷停織女九重簾捲蟾蜍娥

夜明之神部紀事

鄧雲子清靈真人裴君傳太素真人教裴君奔月之

法裴君止於空山之上升行精思一年之中髣髴委

容二年之中五夫人遂俱乘月形見在君左右三年

之中並共笑樂言語五年之中五帝月夫人遂與君

共乘飛龍之車西到六嶺之門八絡之丘協晨之宮

八景之城登七靈之臺坐太和之殿授裴君流星夜

光之章十明之符食黃琬紫精之飴飲月華雲膏於

是與五夫人夕夕共遊矣

唐書新羅傳新羅元日相慶是日拜日月神

龍城錄開元六年八月望夜明皇與申天師洪都客

作術臥遊月宮見一宮榜曰廣寒清虛之府下視王

城嵯峨若萬頃琉璃之田有素娥十餘人皆乘白鸞

舞於廣庭桂樹之下音樂清麗歸按其調作霓裳羽

衣之曲

開元傳信記明皇嘗以手指上下按其腹高力士曰

豈聖體小不安耶上曰吾昨夜夢遊月宮諸仙子娛

以上清之樂其曲凄楚動人吾回以玉笛尋得之慮

博物彙編神異典第十四卷夜明之神部

忽遺忘故尋之耳力士拜賀請奏并求其名上曰此曲名紫雲回遂載於樂章刻石太常焉

酉陽雜俎 翟乾祐與弟子玩月江岸或問此中何有
翟曰可隨吾指觀之弟子中兩人見月規半天瓊樓
金闕滿焉數息間不復見

太和中鄭仁本表弟不記姓名常與一王秀才遊嵩山捫蘿越澗境極幽邃遂迷歸路將暮不知所之徘徊間忽覺叢中鼾睡聲披榛窺之見一人布衣甚潔白枕一襖物方眠熟即呼之曰某偶入此徑迷路君知向官道否其人舉首略視不應復寢又再三呼之乃起坐顧曰來此二人因就之且問其所自其人笑曰君知月乃七寶合成乎勢如丸其影日燦其凸處也常有八萬二千戶修之予卽一數因開襖有斤鑿數事玉屑飯兩裹授與二人曰分食此雖不足長生可一生無疾耳乃起向二人指一支徑但由此自合官道矣言已不見

夜明之神部雜錄

晉虞喜安天論俗傳月中仙人桂樹今視其初生見
仙人之足漸已成形桂樹後生焉

日知錄甚矣人之好言色也常儀古占月之官也而淮南子以爲羿妻竊藥而奔月名曰嫦娥

夜明之神部外編

山海經大荒之中有山名曰日月山天樞也有女子方澄浴月帝俊之妻常羲生月十有二此始浴之老子歷藏中經日月者天地之司徒司空也月姓文名申字子光

淮南子羿請不死之藥於西王母姮娥竊以奔月
姮娥羿妻羿請藥於西王母未及服姮娥盜食之得
仙奔入月中

月御曰望舒亦曰織阿江織阿山名有女子處其巔
月歷數度躍入其中遂爲月御

張衡靈憲姮娥奔月是爲蟾蜍

華嚴經佛所遊處無不遍至復與無量月天子俱持名日月天子曜華天子勝流莊嚴天子樂諸世樂天子眼光天子淨光天子普遊靜光天子星宿王天子淨覺天子端嚴善光天子如是一切勤以智慧普發衆生無上寶心

酉陽雜俎月桂高五百丈下有一人常斫之樹創墮
合其人姓吳名剛西河人學道有過謫令伐樹

雲笈七籤月中黃氣上皇神母諱曜道支字玉蒼修
月中青帝夫人諱隱娥珠字芬豔嬰衣青華瓊錦帔

翠龍鳳文飛羽帟月中赤帝夫人諱逸寥無字婉延
靈衣丹藥玉錦帔朱華鳳落飛羽帟月中白帝夫人

諱靈素蘭字贊連華衣白珠四出龍錦帔素羽鸞章
飛華帛月中黑帝夫人諱結連翹字淳厲金衣元瓊

九道雲錦輓黑羽龍文飛華裙月中黃帝夫人諱
舊標字畀定容衣黃雲山文錦輓綠羽鳳華緝帶
按氏缺博放逸寧無作翳透夢梅延靈作婉延虛
靈素輓作弄索蘭潭屬金作停屬金徐同

月中夫人魂精內神名暖蕭臺標
月中桃君名方盈

老子明照法敘事或見童子長五六尺立而笑其右
上有自然蓋者月中童子也

華嚴綱要有無量月天子所謂月天子華王髻光明天子衆妙淨光明天子安樂世間心天子樹王眼光明天子示現清淨光天子普遊不動光天子星宿王自在天子淨覺月天子大威德光明天子如是等而爲上首其數無量皆勤顯發衆生心寶

秦

始皇二十六年立北斗廟于雍

按史記秦始皇本紀不載 按封禪書秦并天下雍
有南北斗廟

漢

武帝元鼎五年以北斗從祀泰一壇下

按漢書武帝本紀不載 按郊祀志上幸甘泉令祠官寬舒等具泰一祠壇其下四方地爲服食羣神從

宣帝神爵元年立南斗祠於長安城旁

按漢書宣帝本紀不載 按郊祀志云云

後漢

世祖建武二年制郊兆定北斗神位

按後漢書世祖本紀建武二年正月初制郊兆於雒陽城南七里爲圓壇有四通道以爲門北斗在北道之西別位不在羣神列隴蜀平後乃增廣郊祀日月

北斗共用牛一頭日月北斗無陸

晉

成帝咸和八年立北斗神于天郊

按晉書成帝本紀不載 按禮志成帝咸和八年正月立北郊天郊則五星二十八宿文昌北斗三台司命軒轅太一天一太微勾陳北極老人神也

梁

梁南郊北斗從祀

按隋書禮儀志云云

陳

陳制令太中署常以二月八日於署庭中以太牢祠北斗

按隋書禮儀志云云

北魏

太祖天興二年定北斗從祀郊壇之位

按魏書太祖本紀不載 按禮志天興二年正月帝親祀上帝于南郊爲壇天位在其上北斗在中壇內

北齊

北齊以北斗從祀圓丘

按隋書禮儀志後齊制圓丘五星北斗二十八宿於下丘爲衆星之位遷於內壇之中

隋

高祖開皇 年立北斗位於圓丘第三等

按隋書高祖本紀不載 按禮儀志高祖受命爲圓丘於國之南北斗在丘第三等

唐

唐以北斗從祀圓丘

按唐書禮樂志冬至祀昊天上帝於圓丘北斗差在行位前

宋

宋以北斗從祀郊壇第二等

按宋史禮志郊祀錄郊壇第二等祀天皇帝北斗天一太一紫微五帝座差在行位前

按宋史徽宗本紀政和三年班五禮新儀

政和三年議禮局上五禮新儀皇帝祀昊天上帝北斗太一帝坐五帝內坐五星十二辰河漢等內官神位五十有四於第二匏

元

元以北斗從祀圓壇第二等

按元史祭祀志從祀圓壇第二等北斗天牢三公韓火文昌內階位於午北斗居前

世祖至元十八年春正月丁巳制以六祖李全佑嗣五祖李居壽祭斗

至元二十二年八月辛酉命有司祭斗三日十二月

辛卯勅有司祭北斗

按以上俱元史世祖本紀云云

北斗之神部彙考二 中斗 南斗 附西史記

天官書

北斗七星所謂璇璣玉衡以齊七政杓攜龍角衡殷南斗魁枕參首用昏建者杓杓自華以西南夜半建者衡衡殷中州河濟之間平旦建者魁魁海岱以東北也斗爲帝車運於中央臨制四鄉分陰陽建四時均五行移節度定諸紀皆繫於斗

注索隱曰整長曆云北斗七星星間相去九千里其二陰星不見者相去八千里也衡斗之中央杓斗之尾魁斗之首也姚氏按宋均云是大帝乘車巡狩故無所不紀也

淮南子

天文訓

北斗之神有雌雄十一月始建於子月從一辰雄左行雌右行五月合午謀刑十一月合子謀德太陰所居辰爲厭日厭日不可以舉百事堪輿徐行雄以音知雌故爲奇辰數從甲子始子母相求所合之處爲合十日十二辰周六十日凡八合合於歲前則死亡合於歲後則無殃甲戌燕也乙酉齊也丙午越也丁巳楚也庚申秦也辛卯戎也壬子趙也癸亥胡也戊戌己亥韓也己酉己卯魏也戊午戊子八合天下也

晉書

天文志

北斗七星在太微北七政之樞機陰陽之元本也故運乎中天而臨制四方以建四時而均五行也魁四星爲璇璣杓三星爲玉衡又曰斗爲人君之象號令

之主也又為帝車取乎運動之義也又魁第一星曰天樞二曰璇三曰璣四曰權五曰玉衡六曰開陽七曰搖光一至四為魁五至七為杓樞為天璇為地璣為人權為時玉衡為音開陽為律搖光為星石氏云第一曰正星主陽德天子之象也二曰法星主陰刑母主之位也三曰令星主中禍四曰伐星主天理伐無道五曰殺星主中央助四旁殺有罪六曰危星主天倉五穀七曰部星亦曰應星主兵又一主天二主地三主火四主水五主土六主木七主金又曰一主秦二主楚三主梁四主吳五主燕六主趙七主齊魁中四星為貴人之半曰天理也輔星傳平開陽所以佐斗成功丞相之象也七政星明其國昌輔星明則臣疆杓南三星及魁第一星西三星皆曰三公主宣德化調七政和陰陽之官也

酉陽雜俎

北斗

北斗魁第一星神名執陰第二星曰叶詣第三星曰觀金第四星曰拒理第五星曰防件第六星曰開寶第七星曰招搖

月令廣義

南斗北斗西斗

正月初九日南斗星君降現九月十九日日月宮會合諸天列宿上朝無始北斗大帝下降十二月初三日北斗北極降十三日西斗星君降

老子中經

中極黃老者真人之府中斗君也天之侯王主皇后

素女宮也璇璣者北斗君也天之侯王也主制萬二千神持人命籍
金闕帝君五十三元真一經口訣

北斗

陽明星者北斗之東神也丹元星者北斗之南神也陰精星者北斗之西神也北極星者北斗之北神也天關星者北斗之中神也

諸天靈書經

北斗

北清天者北斗是也今依度人經說東斗主算西斗記名北斗落死南斗上生中斗大魁總監衆靈此名一天五斗魁主即明中斗已北而有北斗也
北帝七元延生經

北帝

晦朔之日北帝七元真人下降人間檢察罪福凡人每醺求解災厄即得吉無不利
雲笈七籤

北斗

北斗東斗西斗中斗

北斗星者太極之紫蓋元真之靈牀九皇之神帝天尊之偃房斗有魂魄之星迴旋在斗外裏纏於斗斗在內也陽明陰精二星之間星斗魂魄魁首也名曰天樞魂神斗次第二星名曰天璇魂神斗次行第三星名曰天機魄精斗次行第四星名曰天權魄精斗次行第五星名曰玉衡魄靈斗次行第六星名曰闕陽魄靈斗次行第七星名曰搖光大明七星去地四十萬里圓七百二十里皆金精琉璃為其郭七曜紫暉開其光號為帝車運於中央臨制四方分調陰陽

四時五行皆稟之焉

北斗九星七見二隱其第八第九是帝皇太尊精神也內輔一星在北斗第三星不可得見見之長生成神聖也外輔一星在北斗第六星下相去一寸許若驚恐厭魅起視之吉

東斗主擊君西斗主伐君中斗伏逆君

北斗之神部紀事

雲笈七籤北斗九星七見二隱漢相國霍光家有典衣奴子名還車忽見二星在斗中光明非常乃拜而還遂得增年六百
搜神記管輅至平原見顏超貌主天亡顏父乃求輅延命輅曰子歸覓清酒鹿脯一觔卯日刈麥地南大桑樹下有二人圍碁次但酌酒置脯飲盡更斟以盡為度若問汝汝但拜之勿言必合有人救汝顏依言而往果見二人圍碁顏置脯酌酒於前其人貪戲但飲酒食脯不顧數巡北邊坐者忽見顏在叱曰何故在此顏唯拜之南面坐者語曰適來飲他酒脯寧無情乎北坐者曰文書已定南坐者曰借文書看之見超壽止可十九歲乃取筆挑上語曰救汝至九十年活顏拜而回管輅曰大助子且喜得增壽北邊坐人是北斗南邊坐人是南斗南斗注生北斗注死凡人受胎皆從南斗過北斗所有祈求皆向北斗
聞奇錄貞元中吉州刺史魏耽罷任居洛有女子年甫十六顏色甚美麗夏中俱納京於庭忽仰視天裂